

TILMÆLI FRAMKVÆMDASTJÓRNARINNAR

2010/EES/6/44

frá 28. mars 2007

um vöktun á innihaldi fúrana í matvælum (*)

(2007/196/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins, einkum öðrum undirlið 211. gr.,

og að teknu tilliti til eftirfarandi:

- 1) Í maí 2004 birti Matvæla- og lyfjaeftirlit Bandaríkjanna niðurstöður könnunar sem varðar innihald fúrana í vörum sem eru hitameðhöndlaðar. Fúran fannst í ýmiss konar matvælum (m.a. í matvælum í dósnum og krukum, barnamat, kaffi, súpum og sósnum).
- 2) Sérfræðinganefnd Matvælaöryggisstofnunar Evrópu um aðskotaefni í matvælaferlinu taldi að þessar niðurstöður væru aðkallandi málefni og tók saman vísindaskýrslu um fúran í matvælum 7. desember 2004.
- 3) Matvælaöryggisstofnun Evrópu komst að þeirri niðurstöðu í skýrslunni að á grundvelli fyrirbyggjandi gagna virðist sem það sé tiltölulega lítil munur á milli hugsanlegra váhrifa á menn og skammtastærða, sem hafa krabbameinsvaldandi áhrif hjá tilraunadýrum, og að þörf sé á frekari gögnum um eitruhrif og váhrif til að unnt sé að gera áreiðanlegt áhættumat.
- 4) Nauðsynlegt er að afla áreiðanlegra gagna í öllu Evrópubandalaginu um innihald fúrans í hitameðhöndluðum matvælum til að gera Matvælaöryggisstofnun Evrópu kleift að framkvæma áreiðanlegt áhættumat. Gefa þarf sérstakan gaum að gagnasöfnun á árunum 2007 og 2008. Eftir það skal gagnasöfnun halda áfram með venjubundnum hætti.
- 5) Safna þarf gögnum um matvæli, sem eru verslunarvara, í því formi sem þau eru keypt, þ.e. án frekari tilreiðslu (t.d. kaffiduft, safar og vörur í krukum og dósnum sem ekki eru hitaðar fyrir neyslu), og matvæli sem eru verslunarvara og eru efnagreind, eftir frekari tilreiðslu á rannsóknarstofu, í því formi sem þeirra er neytt (t.d. lagað kaffi og vörur í dósnum eða krukum sem eru hitaðar fyrir neyslu). Í síðarnefnda tilvikinu skal við tilreiðslu fylgja leiðbeiningum á vörumiða ef hann er fyrir hendi. Matvæli, sem eru tilreidd úr ferskum hráefnum heima fyrir (t.d. grænmetissúpa gerð úr fersku grænmeti og heimagerður pottréttur), falla ekki undir þessa vöktunaráætlun þar eð betra væri að kanna það í sérstöku rannsóknarverkefni hvaða áhrif eldunaraðferðir á heimilum hafa á innihald fúrana í matvælum.
- 6) Til að tryggja að sýni séu dæmigerð fyrir framleiðslueininguna sem sýni er tekið úr skal fylgja þeim sýnatökuaðferðum sem mælt er fyrir um í B-hluta viðaukans við reglugerð framkvæmdastjórnarinnar (EB) nr. 333/2007 frá 28. mars 2007 um aðferðir við sýnatöku og greiningu vegna opinbers eftirlits með innihaldi blýs, kadmíums, kvikasilfurs, ólífræns tins, 3-MCPD og bensó(a)þýrens í matvælum⁽¹⁾. Greining sýnanna skal vera í samræmi við 1. og 2. lið III. viðauka við reglugerð Evrópuþingsins og ráðsins (EB) nr. 882/2004 frá 29. apríl 2004 um opinbert eftirlit til að staðfesta að lög um fæður og matvæli og reglur um heilbrigði og velferð dýra séu virt⁽²⁾.

(*) Þessi EB-gerð birtist í Stjtið. ESB L 88, 29.3.2007, bls. 56. Hennar var getið í ákvörðun sameiginlegu EES-nefndarinnar nr. 4/2009 frá 5. febrúar 2009 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 16, 19.3.2009, p. 7.

(1) Stjtið. ESB L 88, 29.3.2008, bls. 29.

(2) Stjtið. ESB L 165, 30.4.2004, bls. 1, leiðrétt í Stjtið. ESB L 191, 28.5.2004, bls. 1. Reglugerðinni var síðast breytt með reglugerð ráðsins (EB) nr. 1791/2006 (Stjtið. ESB L 363, 20.12.2006, bls. 1).

- 7) Mikilvægt er að Matvælaöryggisstofnun Evrópu fái reglulega skýrslur um niðurstöður greininga og þær sértæku viðbótarupplýsingar sem þarf til að meta þessar niðurstöður. Matvælaöryggisstofnun Evrópu skal setja fram skýrslusniðið. Matvælaöryggisstofnun Evrópu ber ábyrgð á að safna gögnum í gagnabanka,
3. að aðildarríkin fylgi þeim sýnatökuaðferðum sem mælt er fyrir um í B-hluta viðaukans við reglugerð (EB) nr. 333/2007 til að tryggja að úrtökin séu dæmigerð fyrir framleiðslueininguna sem sýnið er tekið úr. Undirbúningur sýna fyrir greininguna skal framkvæmdur með nauðsynlegri aðgát til að tryggja að fúraninnihald sýnisins breytist ekki.

LAGT TIL EFTIRFARANDI:

1. að aðildarríkin annist, á árunum 2007 og 2008, vöktun á innihaldi fúrana í matvælum sem hafa verið hitameðhöndluð. Vöktunin skal ná yfir matvæli, sem eru verslunarvara, í því formi sem þau eru keypt, þ.e. án frekari tilreiðslu, og matvæli sem eru verslunarvara og eru efnagreind, eftir frekari tilreiðslu á rannsóknarstofu, í því formi sem þeirra er neytt ⁽¹⁾.
2. að aðildarríkin sendi Matvælaöryggisstofnun Evrópu vöktunargögn reglulega með þeim upplýsingum og á því sniði sem Matvælaöryggisstofnunin setur fram.
4. að aðildarríkin framkvæmi greiningu á fúrönnum í samræmi við ákvæði 1. og 2. liðar í III. viðauka við reglugerð (EB) nr. 882/2004.

Gjört í Brussel 28. mars 2007.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

⁽¹⁾ Matvæli, sem eru verslunarvara, í því formi sem þau eru keypt, þ.e. án frekari tilreiðslu: t.d. kaffiduft, safar og krukkur og dósir sem ekki eru hitaðar fyrir neyslu.

⁽²⁾ Matvæli sem eru verslunarvara og eru efnagreind, eftir frekari tilreiðslu á rannsóknarstofu, í því formi sem þeirra er neytt: t.d. lagað kaffi og vörur í dósnum og krukkum sem eru hitaðar fyrir neyslu. Fylgja skal leiðbeiningunum á vörumiða ef hann er fyrir hendi, Matvæli, sem eru tilreidd úr ferskum hráhaldsefnum heima fyrir (t.d. grænmetissúpa gerð úr fersku grænmeti og heimagerður pottréttur) falla ekki undir þessa vöktunaráætlun.